

Ikayugumayunga niguagakhaayunut. Pilaqinga niguagakhaayumun maniyauniqmik, kiinauyaligiya havaktiuniqmik titigaqhimayumik kivgaqtiuniqmikluniit?

liya kihimik tuhaumapkaqakni atanigiyavit tukligiya (DH-nguyuuq) tuhaumapkaqnia hivuagut (atuqlugu Titigaqvik B attataqhimayuuq talvunga [HRM Tiliugut 204 Ihuityutinut aktuayyut Katimayuttaqtunut Huliniit](#)).

Piguvit tukiliugutainut atuqnit kikkililigit havaktit (*takulugu ataani), pitagaaqatit tapkuat angiguta DH-giyat piyami kiinauyaligutitut havakti, titigaqhimayuuq kivgaqti taphumunga ataniyuyunut havaktimun katimayuttaqtunut piqatauyunut huli havallakhuni.

Kikkilittautiqagtuguvit havaktiuyuuq* pitagaliyutit nutqangatlakniqmun havagiyamin niguagakhaayumut maniyauyami, pitagahuaqnit manikhat uqauhiginilunit ihumagiyat inungnut pityutinut tugangaqpiagtunut havagiyagut (atuqlugu Titigaqvik A attataqhimayuuq talvunga [HRM Tiliugut 204 Ihuityutinut Aktuayunut Katimayuttaqtunut Huliniit](#)).

Niguagakhaulaqinga tapkunani kavamatuatkut niguaqniani?

liya. Piyaaqniatitut DH-giyat tuhaqhattanga hivuani (atuqlugu Titigaqvik B attataqhimayuuq talvunga [HRM Tiliugut 204 Ihuityutinut aktuayyut Katimayuttaqtunut Huliniit](#)). Kikkilittautiqagtuguvit havaktiuyuuq *, pitagaaqatitut nutqangatlakniqmun havangittami (atuqlugu Titigaqvik A attataqhimayuuq talvunga [HRM Tiliugut 204 Ihuityutinut aktuayyut Katimayuttaqtunut Huliniit](#)).

Qanga uqautiyaqapigu DH-giyaga ilaunimnut katimayuttaqtunut huliniinik?

Pipkaaqaqatitut tukligiya atanigiyavit tuhaumatyutmik titqatigut unniqtuqlugit huliniit upluitlu hivuani pigiaqniahaqlugit tapkuat huliniit, tapkuat, niguagakhauguvit tukilik uplukha taphuma niguaqniup pitqyaunia. Tuhaqhit, tukhigaut nuqangatlakniqmik havangitluni pialik pigiaqniahaqniatik taphuma huliniup malikhugit tapkuat [HRM Tiliugut 204 Ihuityutinut aktuayyut Katimayuttaqtunut Huliniit](#).

Pinahualaqinga maniktakhanik nigugaunahuaqtumun katimayuttaqniqmunluniit piqatauyumun havaguigaiguma?

liya, kihianik kikkilittautiqaguvit havaktiuniqmun * taimaittumik pinahualaqtitut maniktakhanik nigugaunahuaqtumun katimayuttaqniqmutluniit piqatauyumun kihimik pitaguvit nutqangatlakniqmun havangittami.

Uqauhiqalaqinga inungni tapkununga GN-kut maligainut TUGANGANGITTUNUT havamnut?

liya, kihimik pilaittutit hunamik ulapihautaulamik ihumagiyaulamikluniit ulapihainiqmik pilarniqnut inungnut kivgaqtiuniqmik naliaknik ikayuqtuingittamik. Kikkilittautiqagtuguvit havaktiuyuuq *, pitagaaqatitut nutqangatlakniqmun havangittami taimailiugiakhaq. Takulugu tamna [Nunavut Inungnut Kivgaqtit Maligait Pinnagiyagut Pittiarniqmutlu](#) tuhaqpaligumakpat uuminga pityutmik.

Uqalaqinga inungni titigaqlungaluniit ikayuqtuqlugu ihuigiluguluniit niguaqtaunahuaq, katimayuttaqtut piqatauyuuq, ihumagiyai maligaitluniit?

liya, kihianik kikkilittautiqaguvit havaktiuniqmun * pitagaaqatitut nutqangatlakniqmun havangittami taimailiugiakhaq.

Qanuqtut pilaqinga tukhigarniq nutqangatlakniqmik havangitluni ilauyami katimayiuttaqtunut huliniinut?

Pitagiami nutqangatlakniqmun havangittami, atuqlugu Titigaqvik A naniyauyuq talvani Attataqhimayuq talvani [HRM Tiliugut 204 Ihuityutinut aktuayyut Katimayiuttaqtunut Huliniit \(Katimayiuttaqtut Huliniit\)](#). Piyaliuyutit nutqangatlagiami atuqtakhatit naunaiyaqtaunit tunihiniahaqlutit taphuminga nutqangatlagiami titigaqvikmik taphumunga DH-nguyuq. Tamna nutqangatlakniqmun titigaqvik tuniyauyukhaq ikitniqhanik malguk havaguhik pigiaqniahaqluni upluani taphuma katimayiuttaqniqmun huliniit.

Qanugittuq Inutqangatlagutikhaq atulaqigu tapkununga katimayiuttaqtut huliniinut?

Atulaqtat katihimanit tutqumaniluniit nutqangatlautikhatit. Una ilalik ukiumun akiliqtaungitnilu-havaktat hanivaqnit atulaqtatluniit nuqangatlautikhatit akiliqtugauhimaittumik. Atulaitat tuniyaulaknia nutqangatlakniq atuqtitlugu katimayiuttaqtunut huliniinut. Tamna nutqangatlakniq havangitlakniqmun pigiaqniaq talvani hivulliqmi upluani taphuma huliniinut pigiaqat niguarniq titigaqnia tuniyaukpat talvanilu nunguani taphuma uplup niguaqviup qanugitninut titiqatigut unniqtaukpata.

***Pittailitilgit havaktit tapkuat:**

1. ataniuyut tukligiyai;
2. ataniuyut titigaqtillagit tapkununga minihitauyut maligaliuqtinut;
3. minihitauyut tukligiyai ikayuqtit;
4. minihitauyut tukligiyai piqatai;
5. hivuliqtiuyut;
6. ataniuyut hivuliqtit;
7. Havanguyuq tapkunani inungnut timing angiyumik ayyikkutagiya havanguyup naunaiqta talvani (1) tikitlugu (6); tamnalu
8. Minihitauyut Maligaliuqtinut havakti, ahilu minihitauyut maligaliuqtinutitigaqtilagit havaktit titigaqtitluniit havatit.